

Pesta Pantun Sekolah-Sekolah Peringkat Wilayah Persekutuan Labuan 2019



Labuan, 10-12 Julai 2019 – SK Pekan Satu dinobatkan sebagai naib johan Pesta Pantun sekolah-sekolah peringkat Wilayah Persekutuan Labuan. Pesta pantun yang berlangsung selama tiga hari, berkampung di SMK Pantai Labuan, berjaya mencungkil malah mengilap bakat, kretiviti dan kritis serta kemahiran berfikir aras tinggi (KBAT) secara spontan dikalangan murid SKPS.



Dari kiri barisan hadapan Nur Uzma Khairunnisa, Iman Khayra Binti Haniz. Dari kiri barisan belakang Alya Mahirah, Nur Amna Amierra

Seramai lima orang

peserta Pesta Pantun *cili api* SKPS

yang diwakili oleh adik Nurul Arifah Binti Sazali Rithouddin (5 Genius), Nur

Amna Amierra Binti Amiruddin (5 Genius), Alya Mahirah Binti Wahid (5 Genius), Nur

Uzma Khairunnisa Binti Ahmad (5 Genius) dan Iman Khayra Binti Haniz (5 Genius).

Semua peserta Pesta Pantun SKPS ini adalah dibawah bimbingan Pn. Masnah Ali

Hussin, Cik Nuradilah Binti Sami dan Cik Suriana Abdul Kadir selaku jurulatih

utama dan guru pengiring peserta SKPS.

Kejayaan peserta pantun SKPS

meraih kedudukan naib johan dalam Pesta Pantun ini membuktikan bahawa

murid-murid SKPS gagah memberikan saingan *gerun*

malah menggugat kedudukan 14 buah sekolah lain yang turut menyertai Pesta Pantun tahun ini. Berkat kesungguhan dan kegigihan guru-guru pembimbing membuktikan bahawa bakat dan kehandalan murid-murid SKPS sukar disangkal dan sudah semestinya akan terus digilap dari rebungnya bak kata pepatah melayu "*melentur buluh biar dari rebungnya*".

Ibarat harimau yang mengaum guru-guru SKPS pastinya akan melipat gandakan usaha, serta sentiasa menyuntik pengetahuan, kaedah, teknik yang bersifat intelektual. Anjakan demi anjakan akan sentiasa dilestarikan malah pelbagai *diagnosis* akan dilakukan oleh para guru sebagai alternatif sesuai dengan kehendak dan perkembangan Pesta Pantun pada masa akan datang.

Terima kasih atas sokongan padu Guru Besar SKPS Pn Anita Syahmini Binti S Azman, Barisan penolong kanan pentadbiran dan seluruh warga SKPS kerana sentiasa memberi sokongan serta galakan kepada peserta SKPS sepanjang Pesta Pantun di jalankan. Selaku Guru Besar SKPS, Pn Anita Syahmini yakin kejuaraan Pesta Pantun dalam genggamannya SKPS pada tahun hadapan.



Gambar peserta Pesta Pantun SKPS bersama PK Kokum En Esmi bin Amat dan jurulatih

Secara konklusinya, *alternatif* yang dinamis akan diteruskan

untuk meraih kejayaan dalam apa juga pertandingan yang akan disertai oleh

murid-murid SKPS. Guru-guru SKPS sudah pasti menjadi saluran *failitator* kepada murid-murid dan

sentiasa bersiap siaga untuk menyahut cabaran sebagai pencabar utama dalam apa

juga pertandingan di peringkat Wilayah Persekutuan Labuan. Usaha tangga

kejayaan pasti membuah kan hasil yang lumayan. Syabas dan tahniah kepada

peserta pesta pantun SKPS!!!